



Republika e Kosovës / Republika Kosovo / Republic Of Kosovo



Komuna Rahovec / Opština Orahovac / Municipality Rahovec

Drejtoria për Arsim
Odeljenje za Obrazovanje
Department for Education



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. i prot. 254 Më 13.03 2019
Br. prot. Dt.
RAHOVEC - ORAHOVAC

RAPORT VJETOR I PUNËS 2018

DHJETOR, 2018

Hyrje

Në këtë raport të shkruar janë paraqitur synimet, qëllimet, punët, projektet dhe aktivitetet kryesore që kanë karakterizuar DKA-në gjatë gjithë vitit 2018.

Synim i përgjithshëm

Drejtoria Komunale për Arsim me aktivitetet e saja gjatë gjithë vitit kalendarik 2018 kishte **synim të përgjithshëm**: Përmirësimin dhe ngritjen e cilësisë në arsim në të gjitha nivelet e sistemit edukativo arsimor në komunën tonë.

Qëllime kryesore patëm:

- ❖ Ngritjen e cilësisë së procesit edukativo-arsimor në shkollat fillore të mesme të ulëta, të mesme të larta dhe profesionale të Komunës së Rahovecit,
- ❖ Përmirësimin e infrastrukturës së brendshme dhe të jashtme të institucioneve edukativo arsimore,
- ❖ Zhvillimin e aktiviteteve të shumta kurrikulare dhe jashtëkurrikulare,
- ❖ Funksionimin sa më të mirë të organeve drejtuese të shkollave,
- ❖ Ngritjen dhe zhvillimin profesional të kuadrit arsimor.

Objektivat tona të përhershme, që karakterizuan edhe këtë vit, janë:

- ❖ Përmirësimi i nivelit të mësimdhënies dhe të nxënësve në shkollat fillore dhe të mesme të komunës së Rahovecit,
- ❖ Zvogëlimi deri në minimum i mungesave të pa arsyeshme të nxënësve dhe mësimdhënësve,
- ❖ Ndërtimi i objekteve të reja shkollore dhe objekteve parashkollore (çerdheve)
- ❖ Riparimet e objekteve shkollore,
- ❖ Rregullimi i hapësirave të brendshme dhe të jashtme të shkollës,
- ❖ Zhvillimi i aktiviteteve të shumta jashtëkurrikulare në nivel shkolle dhe komune,
- ❖ Futja në procesin e implementimit të KB dhe KKK për të gjitha shkollat e komunës,
- ❖ Bashkëpunimi me komunitetin dhe me OJQ-të,
- ❖ Integrimi në procesin edukativo-arsimor i të gjithë fëmijëve të të gjitha komuniteteve pa dallim
- ❖ Ngritja e nivelit të vetëdijësimit për detyrat dhe përgjegjësitë dhe llogaridhënia (në veçanti tek drejtuesit e shkollave)

AKTIVITETET KRYESORE TË DREJTORISË PËR ARSIM GJATË VITIT 2018

Drejtoria për Arsim që në fillim të punës dhe gjatë gjithë vitit ka filluar dhe ka realizuar shumë aktivitete. Si rezultat i këtyre aktiviteteve, gjendja në arsim në komunën tonë, ka filluar të përmirësohet. Aktivitetet e shumta të DKA-së të kësaj periudhe mund t'i përfshijmë në këto pika kryesore:

- ❖ Në fillim të punës, në muajin Janar kemi mbajtur takim me të gjithë drejtorët e shkollave, në të cilin jemi njohur për gjendjen e vijueshmërisë së nxënësve dhe suksesit të përgjithshëm të nxënësve në fund të gjysmëvjetorit të parë të vitit shkollor 2017/2018.
- ❖ Gjatë muajit Janar dhe Shkurt, kemi vizituar të gjitha shkollat dhe me ekipin e inxhinierëve të komunës kemi inçizuar gjendjen infrastrukture dhe fizike të të gjitha shkollave. Pas inçizimit të gjendjes fizike të shkollave kemi përpiluar një raport detal të gjendjes infrastrukture të shkollave dhe kemi adresuar disa kërkesa për riparime në shkolla drejtuar Ministrisë së Arsimit.
- ❖ Në këtë periudhë kemi kërkuar nga Ministria e Zhvillimit ekonomik ridestininimin e projektit të eficiencës së energjisë nga SHFMU “Liria” në Fortesë, në SHFMU “Vëllezërit Frashëri” në Drenoc. Kjo kërkesë jona është aprovuar.
- ❖ Me datë 22 Shkurt Drejtori I DKA-së ishte në një takim me kolegjin e Arsimit në Prishtinë, të thirrur nga Asociacioni i Komunave të Kosovës
- ❖ Me datë 23 Shkurt kemi realizuar një mbledhje të përbashkët ndërmjet DKA-së, Kryesisë së Këshillit Komunal të Prindërve dhe Kryesisë së Sindikatës së Bashkuar të Arsimit të Komunës së Rahovecit. Në këtë mbledhje ftuam edhe të gjithë drejtorët e shkollave. Në këtë takim apeluan tek Sindikata e Arsimit që të ndërpritet greva e thirrur nga ta.
- ❖ Me datë 26 Shkurt themeluan Këshillin Organizativ për shënimin e 7 Marsit-Ditës së Mësuesit, Këshill ky që numëroi 9 anëtarë dhe kishte për detyrë të bëjë organizimin sa më të mirë të këtij aktiviteti. Këtij këshilli i priu drejtori i DKA-së.
- ❖ Në muajt në vazhdim kemi identifikuar problemet e mbarëvajtjes së procesit edukativo arsimor dhe kemi marrë masa adekuate, që vijueshmëria e nxënësve në shkolla të përmirësohet. Kemi themeluar dhe riaktivizuar Këshillat e shkollave, Këshillat e prindërve dhe Këshillat e nxënësve në shumicën e shkollave.
- ❖ Kemi marrë vendim të ndihmojmë në transportin e nxënësve në dy linja udhëtimi: Linja Guri i Kuq – Kramovik dhe Linja Reti e Poshtme-Piranë. Këto dy linja udhëtimi tashmë janë funksionale.
- ❖ Në muajt Mars, Prill, Maj, kemi mbajtur disa aktivitete kulturore dhe artistike, aksione vullnetare dhe gara të ndryshme me nxënës. Përmes këtyre garave dhe aktiviteteve kemi rritur interesimin e nxënësve dhe mësimdhënësve, gjë që u dëshmuar edhe me pjesëmarrjen massive të tyre.

- ❖ Në katër shkolla të komunës sonë, duke filluar nga ky vit, me insistimin dhe angazhimin tonë morëm konfirmimin nga Ministria e Zhvillimit Ekonomik se në këto shkolla të komunës sonë do të zbatohen masat e eficiencës së energjisë, ndërsa 12 shkolla kanë përfituar grante zhvillimore nga projektet e Bankës Botërore dhe Ministrisë së Arsimit.
- ❖ Pas 3 vitesh pauzë në qeverisjen e kaluar, me qeverisjen tonë kemi rifilluar traditën e ndarjes së bursave dhe për këtë vit qeverisja jonë ndau bursa për 63 studentë të komunës sonë.
- ❖ Poashtu kemi evidencuar të gjitha të dhënat për situacionet e riparimeve që kanë ndodhur dhe që pritet të ndodhin gjatë vitit në 12 shkolla të komunës sonë nga operatori që ka kontratë dy vjeçare me komunën.
- ❖ Gjatë muajve Korrik dhe Gusht janë mbajtur trajnime kurrikulare për mësimdhënësit, të cilëve u mungonin këto trajnime.
- ❖ Në fund të muajit gusht, nga Ministria e Arsimit kemi pranuar të gjitha librat/tekstet shkollore për klasat 1 deri 9, të cilat fillimisht i kemi vendosur në pikën grumbulluese dhe pastaj brenda javës së parë të muajit shtator i kemi shpërndarë në të gjitha shkollat fillore të komunës sonë. Fillimi i Vitit të Ri Shkollor si në mbarë Kosovën, edhe tek ne ishte më 3 Shtator, ditë e hënë, dhe që në fillim, të gjitha SHFMU-të e komunës sonë ishin të pajisura me tekste shkollore, mirëpo ishin disa tekste të lëndës së gjuhës gjermane për klasat e 6-ta dhe të 7-ta, të cilat Ministria e Arsimit i pati vonuar dhe ato u shpërndanë më vonë.
- ❖ DKA ka grumbulluar të gjitha kërkesat e shkollave për lëndë djegëse që do të përdoren për ngrohje gjatë muajve të dimrit, por me vendimin e Ministrisë së Arsimit të datës 20 korrik 2018, është ndaluar përdorimi i thëngjillit në të gjitha institucionet edukativo arsimore. Me hyrjen në fuqi të këtij vendimi, DKA ka kërkuar nga Zyra e Prokurimit që të ndalojë procedurat e prokurimit për thëngjill si lëndë djegëse.
- ❖ Gjatë muajit Shtator kemi hapur tenderin për ndërtimin e shkollës së re në Hoçë të Vogël /Brestoc dhe jemi kujdesur që të përgatisim projektin e ri për ndërtimin e shkollës së re në fshatin Reti, tenderin e të cilit e kemi hapur në muajin Tetor.
- ❖ Prej fillimit të vitit të ri shkollor 2018/2019 dhe në vazhdimësi, drejtori i arsimit ka mbajtur takime të njëpasnjëshme me këshillat e arsimtarëve të çdo shkolle, në të cilat ka bashkëbiseduar me të gjithë mësimdhënësit për mbarëvajtjen e procesit edukativo arsimor.
- ❖ Në fillim të muajit Tetor kanë filluar trajnimet e grupit të pare të mësimdhënësve për udhëheqje dhe menaxhim të shkollave.
- ❖ Gjatë muajit Tetor dhe deri para fillimit të sezonit dimëror të ngrohjes më 15 Nëntor 2018, në të gjitha shkollat është bërë furnizimi me dru dhe lëndë tjera djegëse për ngrohje.
- ❖ Në muajin Nëntor kemi nënshkruar kontratat për fillimin e punimeve për ndërtimin e Çerdhes për Fëmijë në fshatin Ratkoc dhe për ndërtimin e objektit të shkollës së re në Hoçë të Vogël/Brestoc. Më 27 Nëntor 2018 është vënë gurthemeli i fillimit të punimeve të këtyre dy projekteve.

- ❖ Me datë 28 Nëntor, në bashkëpunim me DKRS-në, Drejtoria e Arsimit ka organizuar një varg aktivitete për shënimin e 28 Nëntorit, Ditës së Flamurit.
- ❖ Gjatë muajit Nëntor dhe Dhjetor është bërë kontroll dhe verifikim i procesit të vlerësimit të nxënësve nga ana e mësimitdhënësve në të gjitha shkollat dhe poashtu janë marrë masa adekuate, të cilat kanë dhënë rezultate në zvogëlimin e numrit të mungesave të nxënësve dhe mësimitdhënësve.

Synimet kryesore e DKA-së për vitin në vazhdim janë:

- ❖ Themelimi dhe funksionalizimi i Ekipit Profesional Vlerësues në kuadër të DKA-së,
- ❖ Funksionalizimi i plotë i Ekipeve Profesionale Vlerësuese në secilën shkollë,
- ❖ Zgjerimi i stafit të DKA-së me kuadrin e nevojshëm të pedagogëve dhe psikologëve,
- ❖ Riparimet dhe investimet në efikasitet të energjisë në objektet shkollore,
- ❖ Investimi në ndërtimin e 3 çerdheve për fëmijë,
- ❖ Vazhdimi i projekteve për ndërtimin e shkollave të reja të filluara nga viti 2018,
- ❖ Ndërtimi i shkollave të reja,
- ❖ Furnizimi i shkollave me libra, pajisja me laboratorë dhe teknologji informative,

